



# Gradam don Chathair is Inrochtana, 2022

**#EUAccessCity**

## Gradam na gCathracha is Inrochtana, 2022 – Rialacha an chomórtais

### Clár an Ábhair

1. CÚLRA AGUS CUSPÓIRÍ.....	2
2. GRADAM DON CHATHAIR IS INROCHTANA (GCI) .....	3
3. NÓS IMEACHTA AGUS CRITÉIR CHUN CATHAIR A AINMNIÚ DO GCI 2021 .....	3
3.1 Critéir incháilitheachta.....	4
3.2 Eisiamh .....	5
3.2.1 Infheidhmeacht pionós.....	5
3.3 Comhdhéanamh an Ghiúiré Náisiúnta agus an Ghiúiré Eorpaigh .....	5
3.4 An Giúiré Náisiúnta.....	6
3.5 An Giúiré Eorpach.....	6
3.6 Tréimhse tháscach.....	6
4. AN PRÓISEAS MEASTÓIREACHTA .....	7
4.2 Critéir an ghradaim.....	8
5. SOCRUITHE AGUS SPRIODHÁTAÍ CHUN IARRATAIS A CHUR ISTEACH.....	10
6. AN DREASACHT AIRGEADAIS .....	10
6.1 Socruithe íocaíochta .....	10
6.2 Dliteanas aonair iomaitheoirí.....	10
6.3 Seiceálacha agus iniúchtaí.....	11
6.4 Próiseáil sonraí pearsanta .....	11
6.5 Díl agus dlínse inniúil is infheidhme.....	12
7. COINNÍOLLACHA A BHAINNEANN LE CEALÚ AN CHOMÓRTAIS .....	12
8. FAISNÉIS BHREISE.....	12
9. IARSCRÍBHINNÍ.....	12

# 1. CÚLRA AGUS CUSPÓIRÍ

Cuireann an tAontas Eorpach comhionannas deiseanna agus inrochtaineachta do dhaoine faoi mhíchumas chun cinn, go háirithe tríd an Straitéis um Chearta Daoine faoi Mhíchumas 2021-2030, arb ionann í agus uirlis chur chun feidhme Choinbhinsiún na Náisiún Aontaithe ar Chearta Daoine atá faoi Mhíchumas (UNCRPD). Áirítear i ngné bhunúsach den straitéis sin oibriú i dtreo Eoraip saor ó bhacainn, agus glactar le hinrochtaineacht mar “cumasóir ceart, neamhspleáchais agus comhionannais”. Sa chomhthéacs sin, sheol an Coimisiún Eorpach an Gradam don Chathair is Inrochtana (GCI) in 2010.

Is sochaí uirbeach í an Eoraip anois, ó tharla ceathrar as gach cúigear saoránach AE a bheith ina gcónaí i mbailte agus i gcathracha. Tá cónaí san AE ar thart ar 87 milliún duine faoi mhíchumas<sup>1</sup>, agus tá daonra na hEorpa ag dul in aois. Dá bhrí sin, baineann fíorthábhacht le hinrochtaineacht i gcathracha.

Is é an cuspóir atá leis an nGradam don Chathair is Inrochtana feasacht a mhúscailt agus ábhair imní maidir le saincheisteanna míchumais a chur in iúl mar aon le hinrochtaineacht do gach duine ar fud chathracha na hEorpa a chur chun cinn. Bronnann an Gradam don Chathair is Inrochtana gradaim ar chathracha a bhfuil breis is 50,000 cónaitheoir iontu a léiríonn barr feabhais sna réimsí seo. Chomh maith leis sin, spreagann an Gradam gach cathair san Aontas Eorpach chun rochtain chomhionann ar shaol uirbeach a chinntiú do dhaoine faoi mhíchumas agus do dhaoine scothaosta. Ar an tslí sin, is féidir le cathracha Eorpacha inspioráid a fháil óna chéile agus oibriú le chéile chun nuálaíochtaí praiticiúla a bhunú. Os a choinne sin, spreagann an sásamh a bhaineann le gradam measúil Eorpach a bhuanachan cathracha chun tuilleadh iarrachtaí a dhéanamh agus feasacht a mhúscailt laistigh den chathair agus i gcathracha eile chomh maith. Cuireann Gradam den sórt seo ar chumas cathracha iad féin a spreagadh agus samplaí de dhea-chleachtais a roinnt *in situ*. Tugtar aitheantas do gach cathair bhuaiteach as taifead comhsheasmhach a bheith acu maidir le hardchaighdeáin inrochtaineachta agus gealltanais i ndáil le spriocanna uailmhianacha a chomhlíonadh.

**Leis an nGradam don Chathair is Inrochtana, tugtar aitheantas do na hiarrachtaí atá déanta ag cathracha a bheith níos inrochtana; cuirtear rochtain chomhionann ar shaol uirbeach do dhaoine faoi mhíchumas chun cinn, agus ceadaítear d’údaráis áitiúla a ndea-chleachtais a chur chun cinn agus a roinnt.** Leis an nGradam don Chathair is Inrochtana, tugtar aitheantas do thoilteanas, cumas agus iarrachtaí cathrach a bheith níos inrochtana, agus déantar ceiliúradh air sin, chun:

- rochtain chomhionann ar chearta bunúsacha a ráthú;
- caighdeán saoil an daonra a fheabhsú agus a chinntiú go bhfuil rochtain chomhionann ag gach duine – beag beann ar aois, soghluaisteacht nó cumas – ar na hacmhainní agus ar na pléisiúir ar fad atá i gcathracha.

Gach bliain bronnann an Gradam don Chathair is Inrochtana gradam ar thrí chathair: an chéad áit (buaiteoir amháin ar a mbronntar an teideal Cathair Inrochtana do bhliain ar leith), an dara háit agus an tríú háit. Ina theannta sin, d’fhéadfaí tagairt speisialta a dhéanamh do chathracha eile, ag brath ar thosaíochtaí bliantúla beartais nó buaicphointí sonracha na n-aighneachtaí.

---

<sup>1</sup> Sonraí: EU-SILC (Staidreamh ar Ioncam agus Dálaí Maireachtála) agus EU LFS (Suirbhé ar an bhFórsa Saothair). Tá srian ar ghníomhaíochtaí 24.7% de dhaonra an AE > 16 bhliain d’aois, tá 17.7% ag déileáil le srianta measartha, tá 7% ag déileáil le diansrianta; S. Grammenos/M. Priestly, 2020: Sonraí agus daoine faoi mhíchumas 2020.

Is í an teachtaireacht uileghabhálach is mian le scéim an ghradaim a chur in iúl don leibhéal áitiúil go bhfuil **an ceart ag Eorpaigh maireachtáil i gceantair uirbeacha inar cheart go mbeadh seirbhísí agus gníomhaíochtaí fóillíochta inrochtana do chách. Dá réir sin, ba cheart do chathracha iarracht a dhéanamh an caighdeán saoil a fheabhsú dá saoránaigh trí inrochtaineacht a fheabhsú.**

Tá tuilleadh faisnéise maidir leis an nGradam don Chathair is Inrochtana le fáil ar shuíomh gréasáin oifigiúil an Choimisiúin Eorpaigh: <https://ec.europa.eu/social/accesscityaward> .

## **2. GRADAM DON CHATHAIR IS INROCHTANA (GCI)**

Tá sé beartaithe ag an gCoimisiún Eorpach buaiteoir theideal GCI 2022 a roghnú i ndiaidh comórtas a reáchtáil ar fud na hEorpa.

Tá cead ag cathracha ina bhfuil breis is 50,000 cónaitheoir i gceann de Bhallstáit an AE iarratas a dhéanamh ar an ngradam. I mBallstáit ina bhfuil níos lú ná dhá chathair den sórt sin, is féidir le ceantair uirbeacha ina bhfuil dhá bhaile nó níos mó a bheith rannpháirteach freisin má tá daonra an dá bhaile i dteannta a chéile os cionn 50,000 cónaitheoir.

Is é a bhíonn mar thoradh ar phróiseas roghnúcháin an Ghradaim don Chathair is Inrochtana an teideal Chathair Inrochtana an AE, 2022, a bhronnadh ar thrí chathair bhuaiteacha (an chéad, an dara, agus an tríú háit).

Bíonn dreasacht airgeadais EUR 350,000 á bronnadh ag an gCoimisiún Eorpach ó cheiliúradh deich mbliana an Ghradaim (ACA2020) ar aghaidh. Roinnfear an tsuim sin ar na trí chathair bhuaiteacha.

**Chuige sin, is féidir glacadh leis an nglao ar iontrálacha a sheoladh isteach don ghradam theideal Chathair Inrochtana an AE, 2022, mar rialacha an chomórtais chun an dreasacht airgeadais a bhronnadh<sup>2</sup>.**

Tá teideal bhuaiteoir an Ghradaim don Chathair is Inrochtana don bhliain 2022 ('bliain an teidil') agus an dreasacht airgeadais le bronnadh sa bhliain 2021 ('bliain an ghradaim') de réir an nós imeachta agus bunaithe ar na critéir atá leagtha síos i rannóg 3. Íoctar an dreasacht airgeadais i dtráthchuid amháin agus tá sí faoi choinníoll agus arna rialú ag na ceanglais atá leagtha síos i rannóg 6 den doiciméad seo.

Tá rialacha reatha an chomórtais arna mbunú agus arna bhfoilsíú ag an gCoimisiún Eorpach, a sheolfaidh agus a bhainisteoidh an comórtas le tacaíocht ó Rúnaíocht sheachtrach GCI. Is é Ard-Stiúrthóireacht um Fhostaíocht agus Gnóthaí Sóisialta an Choimisiúin Eorpaigh a bheidh freagrach as an dreasacht airgeadais a bhainistiú.

## **3. NÓS IMEACHTA AGUS CRITÉIR CHUN CATHAIR A AINMNIÚ DO GCI 2022**

Bronnfar an teideal bhuaiteoir an Ghradaim don Chathair is Inrochtana, 2022, ar chathracha i ndiaidh comórtas a reáchtáil idir cathracha is iarrthóirí. Mínítear na critéir incháilitheachta chun cur isteach ar an gcomórtas thíos.

---

<sup>2</sup> Leanfaidh an dreasacht airgeadais atá beartaithe na rialacha maidir le duaiseanna mar atá leagtha amach sa Rialachán Airgeadais is infheidhme i ndáil le buiséad ginearálta an Aontais (Teideal IX, Airteagal 206 agus Airteagal 207).

### 3.1 Critéir incháilitheachta

Bronnfar an teideal bhuaiteoir an Ghradam don Chathair is Inrochtana 2022 ar **thrí** chathair (an chéad, an dara, agus an tríú háit). Tá an glao ar iontrálacha don chomórtas don Ghradam don Chathair is Inrochtana, 2022, oscailte do na hiarratasóirí seo a leanas:

- Ní mór ná gur údarás rialtais de chathair ina bhfuil breis is 50,000 cónaitheoir i gceann de Bhallstáit an AE é an comhlacht atá ag cur iarratais isteach. Glactar leis gurb ionann 'cathair' agus ceantar uirbeach, seachas ceantair chathrach, criosanna uirbeacha níos mó agus ceirtleáin uirbeacha, agus gurb ionann 'cathair' agus aonad riaracháin atá á rialú ag comhairle cathrach nó comhlacht rialtais de chineál eile atá tofa go daonlathach.
- I mBallstáit den AE ina bhfuil níos lú ná dhá chathair/entiteas riaracháin den sórt sin, is féidir le ceantair uirbeacha ina bhfuil dhá bhaile/eintiteas riaracháin nó níos mó a bheith rannpháirteach freisin má tá daonra an dá bhaile/eintiteas sin i dteannta a chéile os cionn 50,000 cónaitheoir.
- **Ní féidir le buaiteoirí a tháinig sa chéad áit roimhe seo iarratas a dhéanamh** ar feadh tréimhse cúig bliana i ndiaidh dóibh teideal na Cathrach Inrochtana a bhaint amach i mbliain ar leith<sup>3</sup>.
- Ba cheart gurb é an sínitheoir an Méara nó an t-ionadaí cathrach is airde céim atá údaraithe, de réir an dlí náisiúnta, chun ionadaíocht dhlíthiúil a dhéanamh ar an gcathair.

Comhlánóidh gach iarrthóir gach rannóg den fhoirm iarratais choitinn don Ghradam don Chathair is Inrochtana, 2022, (féach **larscríbhinn I**). Iarrtar ar chathracha is iarrthóirí na ceanglais fhoirmiúla seo a leanas a chomhlíonadh nuair atá a n-iarratais á ndruchtú acu. Ní dhéanfar tuilleadh scrúdaithe ar iarratais nach gcloíonn leis na ceanglais seo ag an gcéim réamhroghnaithe:

- **Moltar d'iarratasóirí a dtogra tionscadail a chur isteach i mBéarla**, chun cabhrú le déileáil leis na tograí agus dlús a chur faoin bpróiseas meastóireachta. Ba cheart a thabhairt faoi deara, áfach, go nglactar le tograí a chuirtear isteach in aon cheann de theangacha oifigiúla an AE.
- Ní mór iarratais a dhéanamh tríd an bhfoirm iarratais ar líne a chomhlánú agus a chur isteach faoin **spriocdháta, an 8 Meán Fómhair 2021 (táscach)**, 24:00 CET.
- Freagróidh cathracha is iarrthóirí gach ceist, comhlánóidh siad gach rannóg den fhoirm iarratais, agus cloífidh siad leis na teorainneacha focal atá luaite le gach rannóg den fhoirm iarratais. Ní chuirfear aon fhocal sa bhreis ar na teorainneacha sonraithe san áireamh agus d'fhéadfaí freagraí iarratais a fhágáil neamhiomlán dá bharr.
- Don chéim réamhroghnaithe, cloífidh iarratais leis na teorainneacha focal atá sonraithe le haghaidh gach rannóige den fhoirm iarratais. Ní chuirfear aon fhocal sa bhreis ar an teorainn shonraithe san áireamh agus d'fhéadfaí freagraí iarratais a fhágáil neamhiomlán dá bharr. D'fhéadfadh an Rúnaíocht teagmháil a dhéanamh le cathracha/eintitis sa chás go mbíonn earráidí cléireachais ann agus/nó go mbíonn doiciméid ar iarraidh.

Comhlánóidh gach iarrthóir gach rannóg den **uirlis ar líne**<sup>4</sup>. Le cois na faisnéise atá curtha ar fáil san fhoirm iarratais, ní mór d'iarrthóirí Dearbhú an Mhéara, an Dearbhú ar Bhriathar, an Fhoirm Eintitis Dhlítheanaigh (FED) agus an Fhoirm Aitheantais Airgeadais (FAA), a uaslódáil (féach na hiarscríbhinní i

<sup>3</sup> Tháinig an fhoráil sin i bhfeidhm i Samhain 2019 ar ócáid ACA 2020, agus ní bhíonn feidhm aici ach amháin i gcás na gcathracha a bhaineann amach an chéad áit i gcomórtas ACA.

<sup>4</sup> Beidh an uirlis ar líne inrochtana ó shuíomh gréasáin an Ghradam don Chathair is Inrochtana : [www.ec.europa.eu/social/accessibilityaward2022](http://www.ec.europa.eu/social/accessibilityaward2022)

rannóg 9). Chomh maith leis sin, tugtar cuireadh d'iarrthóirí cur i láthair deich sleamhnán PowerPoint<sup>5</sup> a uaslódáil – nó nasc chuige a sholáthar – chun léargas a thabhairt ar an iarratas agus aird a tharraingt ar na pointí láidre ann.

Is féidir suas le cúig chomhad (is é 10 MB an t-uasmhéid do chomhad amháin) nó nasc a uaslódáil. Is féidir na comhaid uaslódáilte sin a bheith scríofa i dteanga(cha) náisiúnta tíortha ar ballstáit den AE iad, atá ag glacadh páirt sa chomórtas.

Ní mór gach doiciméad uaslódáilte a ainmniú go cuí. Ba cheart go sonrúfaí go soiléir in ainm an chomhaid an méid atá sa chomhad.

Ba cheart an Nóta Treorach GCI d'iarratasóirí (**larscríbhinn II**) a léamh leis an bhfoirm Iarratais don Ghradam don Chathair is Inrochtana, 2022.

## **3.2 Eisiámh**

Féadfaidh an Coimisiún, ina ról mar údarás conarthach, rannpháirtithe atá i gceann de na staideanna dá dtagraítear in Airteagal 136 agus Airteagal 141 den Rialachán Airgeadais a eisiámh. Féach larscríbhinn IV (Dearbhú ar Bhriathar).

### **3.2.1 Infheidhmeacht pionós**

Féadfar smachtbhannaí riaracháin a fhorchur ar iarratasóirí, atá ciontach as mífhaisnéis, má chruthaítear go bhfuil aon cheann de na dearbhuithe faisnéise a cuireadh ar fáil mar choinníoll rannpháirtíochta sa nós imeachta seo bréagach, i gcomhréir leis na coinníollacha atá leagtha síos in Airteagal 138 den Rialachán Airgeadais is infheidhme i ndáil le buiséad ginearálta an Aontais Eorpaigh agus i gcomhréir le luach na dreasachta airgeadais.

## **3.3 Comhdhéanamh an Ghiúiré Náisiúnta agus an Ghiúiré Eorpaigh**

Bunófar Giúiré Náisiúnta sna ballstáit ina ndéanann cathracha iarratas. Áirítear sna Giúiréithe Náisiúnta íosmhéid de thriúr. I bprionsabal, is é seo a leanas struchtúr chomhdhéanamh an Ghiúiré Náisiúnta:

- Ionadaí amháin ón gComhairle Náisiúnta Míchumais.
- Ionadaí amháin ó údarás náisiúnta atá freagrach as beartas míchumais.
- Saineolaí inrochtaineachta amháin.
- Cathaoirleach amháin (murar ball é de cheann den trí chatagóir thuasluaite).
- Saineolaí amháin ar aosú an daonra.

Tá stádas comhionann ag baill de ghiúiréithe agus déantar cinntí trí chomhaontú. Is é an ról atá ag an gcathaoirleach obair an Ghiúiré Náisiúnta a chomhordú.

Tá sé de dhualgas ar bhaill den Ghiúiré na hiarratais atá curtha isteach ag na cathracha a mheas (féach rannóg 4.2 thíos). Áireofar sa mheasúnú meastóireachtaí cáilíochtúla, agus athbhreithniú píaraí ar gach iarratas. Bunóidh na Giúiréithe Náisiúnta gearrliosta de thrí chathair ar a mhéad do gach Ballstát bunaithe ar an rátáil, de réir na gcritéar, mar atá leagtha amach i rannóg 4.1

Déanfaidh an Giúiré Eorpach measúnú ar na hiarrthóirí náisiúnta a théann ar aghaidh go dtí an dara céim den chomórtas. Beidh triúr, ar a laghad, ar an nGiúiré Eorpach. Beidh ionadaíocht á déanamh acu

---

<sup>5</sup> Glactar leis na formáidí comhaid seo a leanas: doc, docx, rtf, pps, ppsx, ppt, pptx, xls, xlsx, pdf, zip, gif, jpeg, jpg, png.

ar an gCoimisiún Eorpach agus ar phéire ar a laghad de na heagraíochtaí agus/nó de na réimsí saineolais seo a leanas:

- An Fóram Eorpach maidir le Míchumas.
- Ardán AGE na hEorpa.
- Saineolaí ar an timpeallacht thógtha agus ar spásanna poiblí.
- Saineolaí ar an mbonneagar iompar agus gaolmhar.
- Saineolaí ar TFC.
- Saineolaí ar shaoráidí agus ar sheirbhísí poiblí.

Déanfaidh an Giúiré Eorpach (féach rannóg 4.3), tuilleadh measúnaithe ar na cathracha gearrliostaithe trí na critéir agus na huasrátaí céanna a d'úsáid na Giúiréithe Náisiúnta a chur i bhfeidhm agus ar a bhfuil cur síos i rannóg 4.1. agus rannóg 4.2. thíos.

### 3.4 An Giúiré Náisiúnta

Is é Ard-Stiúrthóireacht um Fhostaíocht agus Gnóthaí Sóisialta an Choimisiúin Eorpaigh i gcomhpháirt leis an bhFóram Eorpach maidir le Míchumas a bhunaíonn na Giúiréithe. Déanann baill an Ghiúiré Náisiúnta a gcúraimí ar bhonn *pro bono* agus tacaíonn Rúnaíocht na nGradam don Chathair is Inrochtana leo. Is é an aidhm atá ag an nGiúiré Náisiúnta suas le trí chathair a roghnú (ar a dtugtar iarrthóirí náisiúnta), as measc na n-iarratasóirí náisiúnta, de réir na gcritéar meastóireachta a ndéantar cur síos orthu i rannóg 4.1. Chomh maith leis sin, caithfear na cathracha gearrliostaithe a chur in iúl do Rúnaíocht an Ghradaim. Tá cúraimí an Ghiúiré Náisiúnta leagtha amach i rannóg 4.1. Is daoine iad baill an Ghiúiré Náisiúnta a cheaptar i gcáil phearsanta agus feidhmíonn siad go neamhspleách agus ar son leas an phobail. Ní mór do dhaoine a cheaptar mar bhaill den Ghiúiré Náisiúnta i gcáil phearsanta aon imthosca a nochtadh a d'fhéadfadh a bheith mar bhonn le coinbhleacht leasa trí 'dhearbhú maidir le neamhláithreacht coinbhleachtaí leasa' a chur isteach tríd an ardán ar líne atá bunaithe do phróiseas roghnúcháin GCI. Cuirfidh gach ball den Ghiúiré Náisiúnta a c(h)úram i gcrích go cianda tríd an ardán ar líne; teachtaireachtaí ríomhphoist a mhalartú; agus/nó glaonna teileafóin.

### 3.5 An Giúiré Eorpach

Is é Ard-Stiúrthóireacht um Fhostaíocht agus Gnóthaí Sóisialta an Choimisiúin Eorpaigh a cheapfaidh baill an Ghiúiré Eorpaigh. Beidh comhdhéanamh an Ghiúiré Eorpaigh ag teacht lena bhfuil leagtha amach i rannóg 3.3. Tá cúraimí an Ghiúiré leagtha amach i rannóg 4.1 thuas. Is daoine iad baill an Ghiúiré Eorpaigh a cheaptar i gcáil phearsanta agus feidhmíonn siad go neamhspleách agus ar son leas an phobail. Bíonn ceangal orthu gníomhú le neamhchlaontacht, rúndacht agus oibiachtúlacht, agus ar son leas an phobail. Anuas air sin, tá oilteacht sa Bhéarla de dhíth ar bhaill an Ghiúiré Eorpaigh. Ní mór do dhaoine a cheaptar mar bhaill den Ghiúiré Eorpach i gcáil phearsanta aon imthosca a d'fhéadfadh a bheith mar bhonn le coinbhleacht leasa a nochtadh trí 'dhearbhú maidir le neamhláithreacht coinbhleachtaí leasa' a shíniú (mar a shonraítear in Airteagal 61 den Rialachán Airgeadais) ag cruinniú an ghiúiré Eorpaigh. Cuirfidh gach ball den Ghiúiré Eorpach a c(h)úram i gcrích go cianda, tríd an ardán ar líne; malartú ríomhphost agus/nó glaonna teileafóin.

### 3.6 Tréimhse tháscach

Cúraimí	Tréimhse tháscach
Oscailt na n-iarratas	Tús mhí Iúil 2021

Spriocdháta d'iarraitais	8 Meán Fómhair 2021 24:00 CET
Meastóireacht ag na giúiréithe náisiúnta	Tús mhí Dheireadh Fómhair 2021
Meastóireacht ag an nGiúiré Eorpach	Deireadh mhí Dheireadh Fómhair 2021
Faisnéis d'iarraitasóirí	Lár mhí na Samhna 2021
Searmanas an Ghradaim don Chathair is Inrochtana	3 Nollaig 2021

## 4. AN PRÓISEAS MEASTÓIREACHTA

### 4.1 . An próiseas Roghnúcháin agus Meastóireachta

Déantar measúnú ar roghnú na gcathracha a bhfuil teideal Chathair Inrochtana an AE, 2022, le bronnadh uirthi bunaithe ar thacar coiteann de chritéir mheastóireachta chun comhsheasmhacht, trédhearcacht agus cothromas a chinntiú sa phróiseas.

Sonraítear na critéir a úsáidtear agus a n-ualach i rannóg 4.2. Ní féidir cead a thabhairt do chathracha is iarrthóirí ag an leibhéal náisiúnta nach bhfaigheann 60 pointe, ar a laghad, leanúint ar aghaidh go dtí leibhéal Eorpach an chomórtais.

Tarlaíonn an roghnúchán in dhá chéim: **réamhroghnúchán** ag an leibhéal náisiúnta agus **roghnúchán deiridh ag an leibhéal Eorpach**. Seiceálfaidh Rúnaíocht GCI na hiarratais faighte de réir na gceanglas foirmiúil agus dlíthiúil a leagtar amach i rannóg 3.1 agus rannóg 3.2. Ní dhéanfar tuilleadh scrúdaithe ar iarratais nach gcomhlíonann na ceanglais sin, agus cuirfear as an áireamh ón gcomórtas iad

#### ➤ Réamhroghnúchán

Is iad na Giúiréithe Náisiúnta a chuirfidh an chéim réamhroghnúcháin i gcrích. Bunófar na Giúiréithe sin i ngach Ballstát inar chuir cathracha isteach ar an gcomórtas GCI. Ainmneoidh na Giúiréithe Náisiúnta gearrliosta d'uasmhéid trí chathair le haghaidh gach Ballstáit (arna sainiú mar iarrthóirí náisiúnta) agus cuirfear an liosta faoi bhráid bhaill an Ghiúiré Eorpaigh. Gheobhaidh cathracha nach bhfuil gearrliostaithe meabhrán leis an measúnú ar a n-iarratas.

#### ➤ Roghnúchán Deiridh

As measc na n-iarrthóirí náisiúnta réamhroghnaithe, roghnaíonn an Giúiré Eorpach buaiteoirí an chéad, an dara, agus an tríú háit.

Ina theannta sin, féadfaidh an Giúiré Eorpach cinneadh a dhéanamh “Moladh Speisialta” a bhronnadh ar chathair nó ar chathracha ag brath ar an gcomhthéacs agus ar thionscadail/beartais reatha nó buaicphointí sonracha na n-aighneachtaí (e.g. rochtain ar oidhreacht chultúrtha<sup>6</sup>; rochtain ar obair; cathracha cliste etc.).

Cuirtear measúnú na nGiúiréithe Náisiúnta ar na cathracha gearrliostaithe i láthair an Ghiúiré Eorpaigh i bhfoirm Tuarascáil Mheasúnachta roimh chruinniú an ghiúiré, agus feidhmíonn an Tuarascáil mar dhoiciméad cúlra nuair a bhíonn an Giúiré i mbun breithniúcháin. Faigheann cathracha nach bhfuil gearrliostaithe meabhrán ina sonraítear conas is féidir leis an gcathair a hiarratas a fheabhsú don

<sup>6</sup> Mar obair leantach i ndiaidh Bhliain Eorpach na hOidhreacht Cultúrtha

chomórtas amach anseo. Ní chuirtear an meabhrán sin ar fáil don phobal, áfach, agus tá sé beartaithe nach mbeidh sé in úsáid ach ag an gcathair ábhartha.

➤ *Breithniúchán an Ghiúiré*

Casfaidh baill an Ghiúiré Eorpaigh le chéile sa Bhruiséil nó ar líne mí amháin, ar a laghad, roimh Shearmanas na nGradam<sup>7</sup>. Ainmneoidh an Giúiré, trí chomhaontú, an buaiteoir, an chathair sa dara háit agus sa tríú háit, mar aon leis na cathracha a dtabharfar moladh speisialta dóibh, más ann dóibh. Bunófar an breithniúchán ar an Tuarascáil Mheasúnachta a fhaigheann na Giúiréithe Náisiúnta.

Ar mhaithe le trédhearcacht an phróisis trí chéile, cuirfear tátail Ghiúiré an AE maidir leis an gcéad trí chathair bhuaiteacha ar fáil don phobal ar shuíomh gréasáin GCI.

➤ *Céim bronnta na ngradam*

Fógrófar buaiteoir an Ghradaim Eorpaigh don Chathair is Inrochtana 2022 go hoifigiúil ag an Searmanas Bronnta sa Bhruiséil nó ar líne ar an 3 Nollaig 2021.

## 4.2 Critéir an ghradaim

Déanfaidh baill an Ghiúiré Náisiúnta agus AE measúnú ar na cathracha is iarrthóirí bunaithe ar na critéir mheastóireachta seo a leanas:

### 1) Ábharthacht do na cuspóirí

Soláthróidh an t-iarratasóir tuairisc ar ghníomhartha, beartais agus tionscnaimh – cibé an bhfuil nó nach bhfuil siad curtha chun feidhme cheana féin nó ag an gcéim phleanála – i gceithre phríomhréimse na hinrochtaineachta:

- a. an timpeallacht thógtha agus spásanna poiblí;
- b. bonneagar iompair agus gaolmhar;
- c. faisnéis agus cumarsáid, lena n-áirítear teicneolaíochtaí faisnéise agus cumarsáide (TFC);
- d. saoráidí agus seirbhísí poiblí.

Caithfidh an t-iarratasóir rathúil cur chuige comhleanúnach a léiriú i ndáil le hinrochtaineacht sa cheithre réimse agus fíis uailmhianach i ndáil le dul i ngleic le hinrochtaineacht sa chathair.

### 2) Úinéireacht, leibhéal gealltanais

Ba cheart go ndéanfaidh iarratasóirí cur síos ar na struchtúir nó ar an gcreat atá bunaithe i riarachán na cathrach chun gníomhaíochtaí inrochtaineachta a chur chun feidhme. **Maidir leis na gníomhaíochtaí atá curtha chun feidhme nó pleanáilte, ní mór a léiriú sna hiarratais gur cuid iad de straitéis chomhleanúnach nó de chreat beartais, seachas tionscadail *ad hoc*.** Ní mór go mbeadh an straitéis inrochtaineachta príomhshruthaithe i mbeartais agus i rialacháin na cathrach. Ní mór go mbeadh ráiteas/gealltanais beartais maidir le hinrochtaineacht ag ardleibhéal freagrachta le feiceáil. Ba cheart faisnéis a chur ar fáil faoi acmhainní oiriúnacha (foireann, buiséad, etc.) leithdháilte chun na beartais sin a chur chun feidhme. Ní mór

---

<sup>7</sup> Cuirfidh giúiréithe náisiúnta a réamhroghnúchán i gcrích roimh lár mhí Dheireadh Fómhair agus réachtálfar éisteachtaí an Ghiúiré Eorpaigh roimh dheireadh mhí Dheireadh Fómhair 2021 mar atá leagtha amach i rannóg 3.6.



breithnithe maidir le costas inrochtaineachta a chur leis an measúnacht ar na tairbhí a bhfuil súil leo.

### 3) Tionchar

Beidh tionchar dearfach follasach ag beartais/tionscnaimh na cathrach ar shaol laethúil daoine faoi mhíchumas, agus ar chaighdeán saoil na cathrach trí chéile. Cuirfear samplaí de thionscnaimh atá ag díriú ar dhaoine faoi mhíchumas ar fáil, agus míneofar conas a théann siad chun tairbhe an daonra trí chéile, más ábhartha. Cuirfidh na hiarratasóirí sonraí cáilíochtúla agus cainníochtúla ar fáil chun tacú le héilimh maidir le rath agus soláthróidh siad samplaí praiticiúla. Tá sé tábhachtach tionscada(i)l – más ann dá leithéid – a bhfuil daoine faoi mhíchumas intleachta páirteach ann/iontu a lua. Déanfar measúnú ar thionscnaimh agus ar bheartais phleanáilte bunaithe ar a gcomhleanúnachas agus ar an tionchar a d'fhéadfadh a bheith acu.

### 4) Caighdeán agus inbhuanaitheacht torthaí

Míneoidh iarratasóirí na struchtúir, meicníochtaí agus próisis atá bunaithe chun caighdeán agus inbhuanaitheacht na dtorthaí a baineadh amach a chinntiú. **Sainmhínítear caighdeán na dtorthaí i dtéarmaí na bhfeabhsúchán a rinneadh ar an leibhéal inrochtaineachta agus a chomhlíonadh le caighdeáin agus reachtaíocht a chur chun cinn.** Le torthaí inbhuanaithe a chur ar fáil, is gá iarrachtaí leanúnacha, acmhainní slána agus bunú struchtúr fónta; tá meicníochtaí meastóireachta agus monatóireachta (do sheiceáil rialta, fadhbanna a thuairisciú agus a réiteach, déileáil le gearáin etc.) riachtanach chun rath a mheas.

### 5) Rannpháirtíocht daoine faoi mhíchumas agus comhpháirtithe ábhartha

Ní mór rannpháirtíocht ghníomhach agus shoiléir daoine faoi mhíchumas, a n-eagraíochtaí ionadaíocha, agus saineolaithe inrochtaineachta a léiriú i bpleanáil, cur chun feidhme agus cothabháil beartas agus tionscnamh cathrach atá dírithe ar inrochtaineacht a mhéadú. Chomh maith leis sin, déanfaidh na hiarratasóirí cur síos ar conas a mhúsclaíonn siad feasacht faoi inrochtaineacht; cibé agus conas a scaipeann, a mhalartaíonn agus a gcomhroinneann siad taithí agus dea-chleachtais le cathracha eile ar leibhéal áitiúil, réigiúnach, náisiúnta agus/nó Eorpach.

Critéar	Uaslíon pointí
1. Ábharthacht do na cuspóirí	20
2. Úinéireacht, leibhéal gealltanais	20
3. Tionchar	20
4. Caighdeán agus inbhuanaitheacht torthaí	20
5. Rannpháirtíocht daoine faoi mhíchumas agus comhpháirtithe ábhartha	20
<b>IOMLÁN</b>	<b>100</b>

## 5. SOCRUITHE AGUS SPRIODHÁTAÍ CHUN IARRATAIS A CHUR ISTEACH

Beidh an comórtas ar siúl idir an 15 Meitheamh 2021 agus an 8 Meán Fómhair 2021 (táscach). Chun iarratas comhlánaithe ar líne a chur isteach, ba cheart an méid seo a leanas a chur ar fáil:

- Foirm iarratais ar líne chomhlánaithe (larscríbhinn I);
- Dearbhú ábhartha an Mhéara (ba cheart go mbeadh larscríbhinn III sínithe ag an Méara nó ag an Ionadaí Cathrach is airde céime, údaraithe de réir an dlí náisiúnta chun ionadaíocht dhlíthiúil a dhéanamh ar an gcathair/ceantar uirbeach) mar aon le doiciméid riachtanacha eile atá leagtha amach i rannóg 3.1

Caithfear an fhoirm iarratais a chur isteach tríd an **uirlis ar líne atá inrochtana trí Shuíomh Gréasáin an Ghradaim don Chathair is Inrochtana**. Caithfear iarratais a chomhlánú go hiomlán agus a chur isteach. Le cois na faisnéise atá curtha ar fáil san fhoirm iarratais, tá cead ag iarrthóirí suas le cúig dhoiciméad tacaíochta a uaslódáil – nó naisc a sheoladh chucu – a léiríonn pointí láidre an iarratais.

Ba cheart ceisteanna a chur faoi bhráid na Rúnaíochta: [secretariat@accesscityaward.eu](mailto:secretariat@accesscityaward.eu)

Is é 24:00 CET (GMT +1) an 8 Meán Fómhair 2021 (táscach) an spriodháta chun iarratais a sheoladh isteach. Nuair a bheidh an t-iarratas curtha isteach, beidh leathanach deimhnithe le feiceáil. Déanfar na hiarratais a bhailíochtú ina dhiaidh sin agus cuirfear in iúl d'iarratasóirí tráth nach déanaí ná dhá mhí i ndiaidh an spriodháta d'iarratais atá sonraithe thuas cibé ar glacadh nó nár glacadh lena n-iarratas sa chomórtas.

Le haghaidh na gceanglas foirmiúil, tagair do na critéir atá leagtha amach i rannóg 3 thuas.

## 6. AN DREASACHT AIRGEADAIS

Is fiú EUR 350.000 é an dreasacht airgeadais (trí chéad caoga míle euro). Bronnfar an t-airgead ar thrí chathair bhuaiteacha an Ghradaim don Chathair is Inrochtana.

Leithdháilfear na cistí mar seo a leanas:

1. €150,000 ar bhuaiteoir an teidil don Chathair is Inrochtana, 2022 (an chéad áit)
2. €120,000 ar bhuaiteoir an dara háit
3. €80,000 ar bhuaiteoir an tríú háit

### 6.1 Socruithe íocaíochta

Fógrófar buaiteoirí na nGradam don Chathair in Inrochtana ag Searmanas na nGradam (féach ar rannóg 4.1). Bronnfar an dreasacht airgeadais trí aistriú bainc i ndiaidh na gcathracha buaiteacha a fhógairt agus a ainmniú ag Searmanas oifigiúil na nGradam. Déanfar an íocaíocht i dtráthchuid amháin laistigh de 60 lá ón uair a bhfógraítear na buaiteoirí go hoifigiúil. Cuirfear an fhaisnéis riachtanach airgeadais (féach **larscríbhinní IV, V agus VI**) ar fáil leis an iarratas.

### 6.2 Dlíteanas aonair iomaitheoirí

Ní bheidh an Coimisiún Eorpach agus Rúnaíocht GCI freagrach as aon éileamh a bhaineann leis na gníomhaíochtaí atá curtha i gcrích ag an iomaitheoir i gcreat na nGradam Eorpach don Chathair is Inrochtana. Ní bheidh an Coimisiún faoi dhliteanas maidir le haon damáiste a tharlaíonn d'aon cheann de na hiomaitheoirí nó a dhéanann sé, lena n-áirítear aon damáiste a dhéantar do thríú páirtithe mar thoradh ar chur chun feidhme na ngníomhaíochtaí a bhaineann leis an gcomórtas nó lena linn sin.

### **6.3 Seiceálacha agus iniúchtaí**

Nuair a bheidh an cinneadh maidir le bronnadh na dreasachta airgeadais bunaithe ag oifigeach údarúcháin an Choimisiúin Eorpaigh, glacann na hiomaitheoirí leis go bhféadfadh an Coimisiún, OLAF agus an Chúirt Iniúchóirí seiceálacha agus iniúchtaí a dhéanamh i ndáil leis an gcomórtas agus leis an dreasacht airgeadais atá faighte.

### **6.4 Próiseáil sonraí pearsanta**

Tá an Coimisiún faoi réir Rialachán 2018/1725 maidir le cosaint daoine aonair chomh fada is a bhaineann le sonraí pearsanta a bheith á bpróiseáil ag institiúidí agus ag comhlachtaí an Aontais. Áirítear san fhaisnéis Airgeadais a theastaíonn Foirm Eintitis Dhlítheanaigh na Cathrach agus an Fhoirm Aitheantais Airgeadais sínithe go cuí. Próiseálfar sonraí pearsanta a chuirtear ar fáil mar chuid den fhoirm iarratais i gcomhréir leis na rialacháin atá i bhfeidhm. Féadfaidh iomaitheoirí, trí iarratas i scríbhinn a dhéanamh, rochtain a fháil ar a gcuid sonraí pearsanta agus aon fhaisnéis atá míchruinn nó neamhiomlán a cheartú (féach rannóg 8 le haghaidh sonraí teagmhála). Beidh an Coimisiún Eorpach údaraithe chun an fhaisnéis seo a leanas a fhoilsiú nó tagairt di, i gcibé foirm nó i gcibé meán:

- Ainm na cathrach buaití
- Méid na dreasachta airgeadais bronnta

- Ábhar an ghradaim

## 6.5 Dlí agus dlínse inniúil is infheidhme

Maidir leis an ngradam agus íocaíocht na dreasachta airgeadais, tá feidhm le Dlí an Aontais. An chúirt nó bord eadrána inniúil chun díospóidí a éisteacht i gCúirt Ghinearálta Chúirt Bhreithiúnais an Aontais Eorpaigh: An Chúirt Ghinearálta, Rue du Fort Niedergrünwald L-2925 Lucsamburg. Teil: (352) 4303-1, Facs: (352) 4303 2100, Ríomhphost: GeneralCourt.Registry@curia.europa.eu

## 7. COINNÍOLLACHA A BHAINNEANN LE CEALÚ AN CHOMÓRTAIS

Tá an ceart ag an gCoimisiún chun an comórtas a fhoirceannadh roimh an spriocdháta gan aon oibleagáid gradam a bhronnadh ná iarratasóirí a chúiteamh. Tá an ceart ag an gCoimisiún cinneadh a dhéanamh gan aon dreasacht airgeadais a bhronnadh mura bhfaightear aon iarratais a chomhlíonann na critéir incháilitheachta nó má chinneann an Giúiré gan an dreasacht airgeadais a bhronnadh ar aon cheann de na hiarratais incháilithe.

## 8. FAISNÉIS BHREISE

Tá an próiseas iarratais, agus obair na nGiúiréithe Náisiúnta agus Eorpacha á n-éascú trí Rúnaíocht GCI, atá á reáchtáil ag Ecorys Europe EEIG. Chomh maith leis sin, cabhraíonn an Rúnaíocht le gníomhaíochtaí caidrimh phoiblí a bhaineann le scéim an ghradaim trí shuíomh gréasáin GCI agus trí chainéil chumarsáide éagsúla amhail bróisiúir, na meáin shóisialta, gearrtháin scannáin etc. Déan teagmháil leis an Rúnaíocht trí Ríomhphost a sheoladh chuig: [secretariat@accesscityaward.eu](mailto:secretariat@accesscityaward.eu) nó chuig an gCoimisiún Eorpach ag: [EMPL-EDPD-ACA@ec.europa.eu](mailto:EMPL-EDPD-ACA@ec.europa.eu).

## 9. IARSCRÍBHINNÍ

I Foirm iarratais

II Nóta treorach

III Dearbhú an mhéara

IV Dearbhú ar bhriathar

V Foirm Eintitis Dhlítheanaigh (FED)

VI Foirm Aitheantais Airgeadais (FAA)

